

819 Sô diu vrâge wirt gein im getân,
sô mûgen sis niht langer hân.
durch daz der süeze Anfortas
sô lange in sûren pînen was
5 unt in diu vrâge lange meit,
in ist immer mêr nû vrâgen leit.
al des Grâles pflihtgesellen
von in vrâgens niht enwellen.
Der getoufte Feirefiz
10 an sînen swâger leite vlîz
mit bete dan ze varne
unt niemer niht ze sparne
vor im al sîner rîchen habe.
dô leite in mit zûhten abe
15 Anfortas von dem gewerbe:
»ine wil niht, daz verderbe
gein gote mîn dienstlîcher muot.
des Grâles krône ist als guot;
die hât mir hôchvart verlorn.
20 nû hân ich diemuot mir erkorn.
rîchheit unt wîbe minne
sich verret von mîme sinne.
Ir vüeret hinnen ein edel wîp;
diu gît ze dienste iu kiuschen lîp
25 mit guoten wîplîchen siten.
mîn orden wirt hie niht vermiten;
ich wil vil tjoste rîten,
ins Grâles dienste strîten.
Durch wîp gestrîte ich niemer mêr;
30 ein wîp gab mir herzesêr.

W. diu (*om. L*) vr. dâ von in (von in *I* da gein im *L Z* gein im dâ **T*) g., **G (*T)*
mûgen sin (mugenz siz *I*) n. **G (*T)*

in sûrem (svren *G*) pîne **G (ohne Z)* in sûrer pînen **T*

vrâge **G *T*
al die Gr. pf. **G*
gein in (im **T*) **G (*T)*

s. rîcheit h. **T (L Z)*
dô wîste in **G (*T)*

ist sô g.; **G (nur GI)*
diu hât **G*
nû hân ich den muot e. **T · mir om. *G*

mit rehten w. s. **G *T*
↓**G *T*
ich sol vil **G *T*

**D: D *m: m V *G: G I L Z *T: U*

1 Initiale D G L Z 7 Initiale I 9 Initiale m V U · Majuskel D 21 Initiale I 23 Majuskel D 29 Initiale D

2 sis] si sîn **m* 6 mêr] *om. *m (nur m)* 8 in] ime des **m (nur m)* · enwellen] envellen *D* 18 des Grâles krône (rone *m*) ist alsô guot **m* 19 die hât] und het ([D*]: Die hatte *V*) **m* 20 nû hân ich] ich han nû **m* 21 Versfolge 819.22–21 **m* · rîcheit und wîbes minne. **m (nur m)* 22 sich verret von mînem sinne **m* 26 mîn dienst wirt hie niht (hie niht wirt **T L*) vermiten (Hie wirt mîn dienst niht vermiten *Z*); **G (*T)*